

Izvještaj o aktivnostima

2012



AGENCIJA
LOKALNE
DEMOKRATIJE
MOSTAR

SADRŽAJ

Agencija lokalne demokratije Mostar	4
LDA Mostar	5
Projekti koji se provode	6
• POPoWO: People Organize Prevention of Water Overflow – Ljudi organiziraju prevenciju od poplava	6
• Civilno društvo u akciji za dijalog i partnerstvo	10
• Promocija Europske povelje o ravnopravnosti žena i muškaraca u lokalnom životu	12
• Monitoring javnih usluga na lokalnom nivou	15
• Jačanje uloge žena i mladih političkih lidera u BiH – uloga žene u javnom i političkom životu	19
• Edukacija za djecu o pravima manjina	21
• Putujući seminar za mlade novinare "Stopama Alberta Londresa"	22
Ostale aktivnosti	23
Finansijski izvještaj za 2012. godinu	33

Impressum:

Izdavač: Agencija lokalne demokratije Mostar
Adresa: Fra Ambre Miletića 30, 88000 Mostar
Kontakt: Tel./Fax: +387 (0)36 333 830, Tel.: +387 (0)36 333 831, Idamostar@aldaintranet.org, www.ldamostar.org
Fotografija: Arhiva LDA Mostar
Dizajn: Slaven Aničić
Print: RASTER d.o.o. Mostar

Agencija lokalne demokratije Mostar

O nama

Program Agencija lokalne demokratije na Zapadnom Balkanu osnovan je 1992. godine od strane Kongresa Vijeća Evrope, kao program podrške jačanju lokalne demokratije, njegovanju poštivanja ljudskih prava i dalnjem održivom razvoju. Danas na području Zapadnog Balkana i Južnog Kavkaza aktivno je 13 Agencija lokalne demokratije kojima koordinira Asocijacija agencija lokalne demokratije (ALDA).



LDA ALBANIJA



LDA ARMENIA



LDA OSIJEK



LDA PRIJEDOR



LDA SISAK

Agencije funkcionišu kao samoodržive, lokalno registrovane nevladine organizacije, ali se, zbog međunarodnog okvira unutar kojeg su operativne, razlikuju od drugih nevladinih organizacija.

Zapravo, Agencije lokalne demokratije izgrađuju partnerstva sa lokalnim vlastima i nevladnim organizacijama iz cijele Evrope, time dajući čitavoj mreži direktni pristup međunarodnoj strukturi kroz podršku ALDA-e, Vijeća Evrope i Evropske unije.

Najvažniji aspekt Agencija lokalne demokratije jeste proces izgradnje partnerstva. Saradnja i partnerstvo između lokalnih i međunarodnih partnera, između lokalnih vlasti i nevladinih organizacija, daju dodatnu vrijednost procesu dizajniranja projekata i sprovođenju lokalnih aktivnosti.

Ovaj je proces sam po sebi proces učenja za sve sudionike i služi kao praktični primjer iz kojeg se vidi kako demokratski participativni proces planiranja može dati rezultate.

Usvajanjem brojnih službenih odluka, Vijeće Evrope je prepoznalo međunarodnu pravnu vrijednost Agencija lokalne demokratije.



LDA SUBOTICA



LDA KOSOVO



LDA CRNA GORA



LDA VERTENEGLIO



LDA ZAVIDOVICI



LDA MOSTAR



ALDA

LDA Mostar

Agencija lokalne demokratije Mostar od svoga osnivanja novembra 2004. godine djeluje kao lokalno registrovana neprofitna, nevladina organizacija uz podršku svojih partnera, te saradnju sa ostalim Agencijama i Asocijacijom agencija lokalne demokratije (ALDA). Upravo ova saradnja, kako na lokalnom tako i na regionalnom nivou omogućila je brojne aktivnosti i projekte korisne za razvoj lokalne zajednice i njeno uključivanje u procese na regionalnom nivou. Aktivnosti LDA Mostar, sa ciljem stvaranja aktivnog građanstva sa jedne strane, te transparentne i odgovorne vlasti sa druge, usmjerene su ka stvaranju modernog demokratskog društva. Ove aktivnosti prožimaju svaki segment života lokalne zajednice i pružaju mogućnost poboljšanja uslova življenja za sve kategorije društva, direktnim uticajem na konkretne promjene.

Partneri

- Regija Puglia - Italija / partner lider
- Grad Mostar - BiH / partner domaćin
- Grad Monfalcone - Italija
- Provincija Brindisi – Italija
- Grad Kragujevac - Srbija
- Općina Vejle – Danska
- NVO IPSIA – Italija



Misija

Podržati proces demokratizacije u Gradu Mostaru jačanjem dobre uprave i izgradnjom kapaciteta lokalnih vlasti i civilnog društva, te učešća građana u javnom životu.

Vizija

LDA Mostar će biti resursni centar za institucije kantonalnih vlasti, gradske administracije i civilnog društva za usklađivanje standarda sa demokratskim standardima Evropske unije.

Aktivnosti i projekti LDA Mostar imaju za cilj:

- Promociju konkretnih inicijativa podsticanja demokratije na lokalnom nivou;
- Izgradnju mostova između građana i vlasti;
- Razvoj pluralnog civilnog društva i aktivno učešće svih društvenih grupa;
- Podsticanje procesa pomirenja i zaštitu ljudskih prava;
- Podsticanje održivog lokalnog razvoja;
- Jačanje znanja lokalne zajednice o procesima stabilizacije i pridruživanja.

Članstvo u mrežama

- ALDA- Asocijacija agencija lokalne demokratije
<http://www.alda-europe.eu>
- Mreža „Sporazum plus“
<http://www.sporazum.ba/#&pid=0>
- Mreža za izgradnju mira
<http://www.mreza-mira.net/node/1>
- ALF - Anna Lindh Foundation
<http://www.euromedalex.org/>
- E.F.L.S. Evropska federacija lokalne solidarnosti
<http://www.european-neighbours-day.com/>

Projekti koji se sprovode

POPoW0 (People Organize Prevention of Water Overflow – Ljudi organiziraju prevenciju od poplava)

Donator: Evropska unija i Ambasada Norveške u Bosni i Hercegovini (sufinasijer)

Voditelj Projekta: Udruženje za poduzetništvo i posao LiNK Mostar

Projektni partneri: Agencija lokalne demokratije (LDA) Mostar, Centar za razvoj Hercegovine (CRH) Trebinje

Trajanje Projekta: Januar 2011. – juni 2012. godine

Opći cilj

Jačanje uloge civilnog društva putem iniciranja dijaloga na području Popovog polja kako bi se konsolidiralo političko učešće i zastupljenost poljoprivrednika, žena i muškaraca podjednako.

Specifični ciljevi

1. Potpomoći komunikaciju između ključnih zainteresiranih strana s područja Popovog polja a koja se tiče poplavljivanja poljoprivrednog zemljišta;
2. Stvoriti neformalnu mrežu koja će okupiti zainteresirane strane radi postizanja konsenzusa o spornom području u Popovom polju; i
3. Povećati političku zastupljenost i učešće poljoprivrednika, poljoprivrednih udruženja, zadruga i malih i srednjih preduzeća u Popovom polju.

Kratak opis Projekta

Popovo polje je kraško polje na jugu Bosne i Hercegovine. Administrativno, njegova površina se dijeli na tri općine - Trebinje i Ljubinje u Republici Srpskoj (RS) i Ravno u Federaciji BiH (FBiH).

Nepostojanje jedinstvenog državnog ministarstva koje se bavi poljoprivredom, ekologijom i energetikom rezultira hroničnim nedostatkom koordinacije između državnog, entitetskog i kantonalnog nivoa, uključujući odgovorna ministarstava, javna preduzeća i agencije na entitetском i kantonalnom nivou, usmjerene ka sprječavanju poplava.

Ovaj Projekat će otvoriti prostor za komunikaciju svih zainteresiranih strana, ali će se baviti i jačanjem kapaciteta civilnog društva s ciljem jačanja njihove političke zastupljenosti.



Popovo polje bez vode



Popovo polje pod vodom

Aktivnosti realizirane u 2012. godini

Konkurs za podnošenje projektnih prijedloga

Nakon što su napravljene smjernice i pripremljen paket koji se sastoji od formulara za prijavu projekta, finansijskog i narativnog izvještaja, logičkog okvira i evaluacijskog upitnika, Projektni tim je pokrenuo konkurs za podnošenje projektnih prijedloga.

Konkurs je bio otvoren od 30. novembra 2011. do 15. februara 2012. godine a bio je namjenjen udruženjima građana i neprofitnim organizacijama s područja Općina Trebinje, Ravno, Ljubinje i Čapljina te područja Popovog polja.

Koordinacijski sastanak partnera



Upravljanje projektnim ciklusom 2

Ovo je bila dvodnevna radionica, koja je održana 30. i 31. januara u Trebinju. Prvi dan je okupio četrnaest učesnika, dok je drugog dana jedanaest učesnika prisustvovalo radionici. Cilj dvodnevnog treninga „Upravljanje projektnim ciklusom 2“ bio je upoznati učesnike sa vještinama neophodnim za izradu i pripremu projektnog prijedloga, kroz zajednički rad na izradi elemenata projektnog prijedloga a pod nadzorom obučenih trenera. Drugi dio treninga je bio posebno fokusiran na izradu budžeta, rasporeda aktivnosti i vremenskog kao i logičkog okvira. Ideje za projekte su osmisili sami učesnici.

Organizacija trećeg Okruglog stola

U okviru Projekta „Organiziranje ljudi u prevenciji protiv poplava (POPoWO - People Organize Prevention of Water Overflow)“ koji ima za cilj uspostavljanje jasnijeg dijaloga svih zainteresiranih strana za prevenciju poplava na području Popovog polja, 03. maja 2012. godine održan je treći Okrugli sto u prostorijama Hotela Mogorjelo u Čapljini. Na osnovu prethodno održanih okruglih stolova i donesenih zaključaka, i na ovom se događaju nastavila diskusija o problemu plavljenja područja Popovog polja koje utiče i na okolne općine i mogućim rješenjima za spriječavanje tog problema i umanjenje nastalih šteta.

Pored toga ponovo su prezentirane smjernice za uspostavljanje neformalne mreže projektnih aktera, koja uključuje sva relevantna tijela sa institucionalnog nivoa i četiri projektne Općine čiji bi cilj bio zajedničkom saradnjom i razmjenom informacija uspostaviti bolju komunikaciju i koordinaciju nadležnih tijela kako bi se problem plavljenja područja minimizirao.

Evaluacija primljenih zahtjeva

Nakon što su primljeni projektni prijedlozi udruženja građana i neprofitnih organizacija sa područja Općina Čapljina, Ravno, Ljubinje i Trebinje, formiran je tim za evaluaciju projektnih prijedloga. Tim je sačinjen od predstavnika Općina koje

su obuhvaćene Projektom POPoWO, te predstavnika LiNK Mostar, Centra za razvoj Hercegovine (CRH) i Agencije lokalne demokratije (LDA) Mostar. Zadatak Komisije za ocjenjivanje bio je procijeniti primljene aplikacije i pratiti proces implementacije odobrenih projekata malih razmjera (mali projekti).

Primljeno je jedanaest projektnih prijedloga, a njih sedam su pozitivno ocijenjeni za dodjelu bespovratnih sredstava. Moramo napomenuti da je za potrebe malih grantova na raspolaganju bilo 20.000 Eura, minimalni iznos za grant bio je 2.000, a maksimalni 3.000 Eura.

Dodjela ugovora za male projekte

Ugovori o sprovedbi malih projekata potpisani su 5. marta 2012. godine. Međusobne obaveze ugovarača i organizacija kojima su odobreni mali grantovi su regulirani sporazumom koji je u skladu sa zakonodavstvom BiH. Svi odobreni projekti su morali biti implementirani u periodu od tri mjeseca.



Okrugli sto u Čapljini

Implementacija, monitoring i izvještavanje o malim projektima

Tokom perioda implementacije Projektni tim je bio u stalnom kontaktu sa aplikantima i dostupan za bilo kakva pitanja i probleme s kojima su se suočavali tokom tog perioda. Implementacija projekata prošla je bez poteškoća, dok je saradnja sa aplikantima čiji su mali projekti dobili odobrenje bila primjerena.

Projektni tim je, pored stalnih kontakata sa aplikantima, realizirao aktivnosti vezane za monitoring i terenske posjete te je svaku organizaciju-implementatora projekta posjetio dva puta tokom tromjesečnog perioda implementacije. Prilikom tih terenskih posjeta svi potencijalni nesporazumi su riješeni uz profesionalnu podršku tima za monitoring.

Participativni proces planiranja

Ova je dvodnevna radionica-trening održana 14. i 15. maja 2012. godine u Trebinju. Cilj ove radionice „Važnost i tehnike građanskog učešća u procesu planiranja – Participativni proces planiranja“ bio je upoznati učesnike sa važnošću planiranja i tehnikama participativnog procesa.

Za početak, prezentiran je generalni proces planiranja i njegova važnost za lokalne zajednice. Metodologije i razlike između planova akcije i strateških planova su također detaljno prezentirane učesnicima.

Sljedeća tema je bila učešće kao proces prikupljanja stavova različitih interesnih strana, naročito onih čiji su interesi dovedeni u pitanje, nakon čega slijedi proces odlučivanja koji te, ponekad suprotne, stavove razmatra. Učešće se također doživljava kao jedan od instrumenata koji će dovesti do promjena i beneficia za lokalnu zajednicu.



Trening radionica u Trebinju



Prikupljanje sredstava

Trening-radionica na ovu temu održana je u Trebinju 25. i 26. juna 2012. godine. Cilj ovog treninga „Namicanje sredstava“ bio je upoznati učesnike sa važnošću namicanja sredstava, strategijom za namicanje sredstava i dugoročnom planiranju procesa.

Na radionici se razgovaralo o namicanju sredstava uopće, metodologijama i razlikama između oportunističkog i strateškog pristupa namicanju sredstava, važnosti izgradnje odnosa sa donatorima, prezentaciji elemenata koje organizacija mora imati kako bi bila u mogućnosti da izgradi odnos sa donatorom kao i prezentaciji pojmove održivosti i nezavisnosti nevladinih organizacija i kako ih ostvariti.

Organiziran četvrti Okrugli sto

U prostorijama Hotela Leotar u Trebinju 28. juna 2012. godine je održan četvrti Okrugli sto u okviru Projekta „Organiziranje ljudi u prevenciji protiv poplava (POPoWO - People Organize Prevention of Water Overflow)“.

Na Okruglom stolu prezentirani su odobreni grantovi za sedam nevladinih udruženja koja su aplicirala na javni poziv objavljen u okviru Projekta POPoWO s područja četiri općine: Čapljina, Trebinje, Ravno i Ljubinje.

Prezentiran je Memorandum o razumjevanju (MoR) koji su potpisala nevladina udruženja a koji ima za cilj jačanje uloge civilnog društva u pokretanju dijaloga na području Popovog polja kako bi se osiguralo učešće i zastupanje poljoprivrednika i ostalog stanovništva u procesima odlučivanja, javno zagovaranje efikasne saradnje i komunikacije između ključnih interesnih grupa na području Popovog polja u preduzimanju mera za sprječavanje, ograničenje i smanjenje štetnih posljedica kod malih i velikih voda vezano za plavljenje poljoprivrednih površina i uspostavljanje kontinuirane saradnje zainteresovanih subjekata civilnog društva i vladinog sektora.

Na osnovu dobijenih informacija sa prethodno održanih Okruglih stolova i održanih sastanka prezentirana je finalna verzija Akcionog plana za borbu protiv poplava.

Dizajniranje i štampanje brošura sa rezultatima Projekta

Početkom septembra 2012. godine odštampano je 500 brošura koje sadrže rezultate Projekta POPoWO, koje su puštene u javnost tokom Finalne konferencije Projekta održane 26. septembra 2012. godine u Mostaru. Delegacija Evropske komisije u BiH je prethodno odobrila štampanje kao i sadržaj brošure.

Finalna konferencija i prezentacija rezultata Projekta

Finalna konferencija Projekta POPoWO održana je 26. septembra 2012. godine u Hotelu Ero u Mostaru.

Na Finalnoj konferenciji su prezentirane aktivnosti i rezultati koji su ostvareni za vrijeme trajanja Projekta. Sve zainteresirane strane obuhvaćene Projektom POPoWO (načelnici općina, predstavnici elektroprivreda, predstavnici udruženja građana iz projektnog područja, te predstavnik Delegacije Evropske komisije u BiH) učestvovali su u radu Konferencije.

Projekat POPoWO je ocijenjen vrlo pozitivno od strane svih učesnika, te je naglašena potreba za daljinjim aktivnostima na prevenciji poplava u Popovom polju.



Finalna konferencija projekta

“POPoWO”
People Organize
Prevention of
Water Overflow



FINANCIRANO OD / FUNDED BY



Civilno društvo u akciji za dijalog i partnerstvo

Donator: IPA - Delegacija EU u BiH „Podrška tematskim mrežama NVO-a“

Voditelj Projekta: Asocijacija agencija lokalne demokratije (ALDA)

Projektni partneri: LDA Mostar, Forum građana Tuzla, DON (Demokratija-Organizovanje-Napredak) Prijedor, Centar za lokalni razvoj Breza, Demokratski centar „Nove nade“ Bihać (Bosna i Hercegovina); LDA Osijek (Hrvatska); ADL (Associazione Ambasciata Della Democrazia Locale) Zavidovići (Italija); LDA Subotica (Srbija)

Trajanje projekta: Maj 2011. – maj 2013. godine

Opći cilj

- 1) unaprijediti organizacijske/upravljačke kapacitete nevladinih udruženja koja se bave promocijom demokratskog upravljanja na lokalnom nivou;
- 2) pružiti podršku podizanju lokalne svijesti naspram aktivnosti koje promoviraju demokratski potencijal organizacija civilnog društva i njihove uloge u dobroj lokalnoj upravi;
- 3) pružiti podršku mrežnim akcijama organizacija civilnog društva koje se bave problemima u lokalnoj zajednici, na lokalnom i regionalnom nivou u Bosni i Hercegovini;
- 4) unaprijediti svijest o politici i onima koji donose odluke o evropskim standardima dobre lokalne uprave i učešća građana;

- 5) pomoći podsticanje sektorske saradnje organizacija civilnog društva i lokalnih vlasti u Bosni i Hercegovini sa svojim kolegama iz drugih zemalja članica IPA-e i zemalja članica EU.

Posebni cilj

Svrha projekta je pomoći osnaživanje demokratske uloge nevladinih organizacija (NVO-a) u jačanju učešća građana u lokalnoj politici i donošenju odluka kroz promociju sporazuma o saradnji i mjera sektorskog umrežavanja tokom dvije godine implementacije Projekta.

Aktivnosti Projekta će se realizirati kroz četiri komponente

Komponenta 1.

Ukupni projektni menadžment i lokalna koordinacija aktivnosti, uključujući i pripremne aktivnosti Projekta, četiri sastanka Upravljačkog tima, uspostavljanje dvije radne grupe, jedinstvena baza trenera, evaluacija i izvještavanje.

Komponenta 3.

Komponenta izgradnje kapaciteta uključuje četiri dvodnevna seminara obuke za lokalne NVO-e i lokalne vlasti na teme strateškog planiranja, upravljanja projektnim ciklusom, te vještina zagovaranja, komunikacije i odnosa sa javnošću.

Komponenta 2.

Kcije podizanja svijesti, koje sadrže: tematsku Konferenciju u Tuzli na početku Projekta; organiziranje lokalnih kampanja podizanja svijesti kao podršku efikasnoj implementaciji sporazuma o saradnji na općinskom nivou u Tuzli, Mostaru, Bihaću, Brezi, Zavidovićima i Prijedoru; serije internet i medijskih kampanja; lokalne javne debate; štampanje promotivnog materijala Projekta; elektronski bilten, Priručnik o dobrom praksama, štampanje šest NVO adresara, završnu konferenciju i NVO sajam u Mostaru.

Komponenta 4.

Komponenta 4: Razmjena dobitih lokalnih praksi uključuje četiri dokumentarna filma: zona dobrog lokalnog upravljanja u implementaciji lokalnih sporazuma o saradnji i promociji NVO-a koji zagovaraju razvoj demokratije na lokalnom nivou; jednu studijsku posjetu kolega iz EU, te okrugli sto sa lokalnim zainteresiranim stranama u Bosni i Hercegovini o dobrom upravljanju i učešću građana u donošenju odluka i izradi politika; regionalno umrežavanje i izgradnja partnerstva koje će povezati organizacije civilnog društva i vlasti.

Kratak opis projekta

Sektorsko umrežavanje i izgradnja partnerstva imaju za cilj da pomognu ojačati ulogu civilnog društva u konsolidaciji participativne demokratije na lokalnom nivou, što je suština ovog Projekta. Osnovne aktivnosti civilnog društva uključuju izgradnju kapaciteta, kampanje informiranja i zagovaranja, razvoj komunikacijskih alata kao i razmjenu dobrih praksi lokalnog pristupa između općina u Bosni i Hercegovini, ali i kroz interakciju sa susjednim IPA zemljama i zemljama članicama EU.

Aktivnosti realizirane u 2011. godini

- Dva sastanka Upravnog odbora;
- Početna Konferencija Projekta „Općinski sporazumi o saradnji: izazovi i perspektive demokratskog učešća na lokalnom nivou u Bosni i Hercegovini”, oktobar 2011. godine, Tuzla;
- Obuka na temu „Strateško planiranje“ za NVO-e, decembar 2011. godine, Prijedor;
- Elektronski bilten <http://www.ldamostar.org/download/electronic-newsletter1.pdf>

Aktivnosti realizirane u 2012. godini

- 15. - 17. mart 2012. godine, Zavidovići:
 - Obuka na temu „Upravljanje projektnim ciklusom“ za NVO-e;
 - Prvi sastanak tematskih radnih grupa:
 - 1) Radna grupa za sprovođenje lokalnih sporazuma o saradnji (razvoj demokratske participacije građana, transparentnost)
 - 2) Radna grupa za podršku lokalnim organizacijama civilnog sektora (obuka, jačanje kapaciteta za uspostavljanje lokalnih partnerstava);
 - Sastanak Upravnog odbora;
- 25. mart – 01. april 2012. godine - snimanje dokumentarnih filmova:

Tuzla - <http://www.youtube.com/watch?v=eUiI3C050s>

Zavidovići i Prijedor - <http://www.youtube.com/watch?v=iZmKx84fxVk>

- Juni 2012. godine - izdati adresari nevladinih organizacija za Tuzlu, Prijedor i Zavidoviće.

Adresar NVO-a u Tuzli – <http://www.ldamostar.org/publikacije/adresar-NVO-Tuzla.pdf>

Adresar NVO-a u Zavidovićima – http://www.ldamostar.org/publikacije/adresar_udruzenja_zavidovici.pdf

Adresar NVO-a u Prijedoru – <http://www.ldamostar.org/publikacije/adresar-NVO-Prijedor.pdf>

- 10. - 12. oktobar 2012. godine, Breza:
 - Obuka na temu „Razvoj viještina pregovaranja“ za NVO-e;
 - Press konferencija;
 - Sastanak Upravnog odbora;
- 12. - 14. decembar 2012. godine, Bihać:
 - Obuka na temu „Vještine komuniciranja i odnosa s javnošću“ za lokalne vlasti;
 - Okrugli sto na temu „Saradnja lokalnih vlasti sa organizacijama civilnog društva, mehanizmi, transparentnost i participacija u usvajanju javnih politika“;
 - Press konferencija;
 - Sastanak Upravnog odbora;
- Izdata 4 elektronska biltena:
 - Bilten broj 1: <http://www.ldamostar.org/preuzimanja/newsletter-1.pdf>
 - Bilten broj 2: <http://www.ldamostar.org/preuzimanja/newsletter-2.pdf>
 - Bilten broj 3: <http://www.ldamostar.org/preuzimanja/newsletter-3.pdf>
 - Bilten broj 4: <http://www.ldamostar.org/preuzimanja/newsletter-4.pdf>



Sastanak projektnog tima u Mostaru



Radne grupe u Bihaću



Promocija Evropske povelje o ravnopravnosti žena i muškaraca u lokalnom životu

Donator: Evropska komisija, Program jačanja civilnog društva za Zapadni Balkan i Tursku: Partnerske aktivnosti – Osnaživanje žena

Voditelj Projekta: Asocijacija „Fenomena“, Kraljevo (Srbija)

Projektni partneri: LDA Mostar BiH, „Anima“ – Centar za žensko i mirovno obrazovanje Kotor (Crna Gora), LDA Niš (Srbija), Fondacija „Kvinna till Kvinna“ (Švedska)


Trajanje Projekta: Decembar 2011. – novembar 2012. godine

Opći cilj

Opći cilj Projekta jeste doprinos razvoju lokalnih rodno osjetljivih politika, mjera i budžeta u Srbiji, Bosni i Hercegovini i Crnoj Gori.

Specifični cilj

Kreiranje osnovnih preduslova za razvoj lokalnih rodno osjetljivih politika, mjera i budžeta u Srbiji (Općina Mediana u Gradu Nišu i Grad Kraljevo), Bosni i Hercegovini (Grad Mostar) i Crnoj Gori (Općina Kotor).



Kratak opis projekta

Ovaj Projekat daje priliku za reformu lokalne samouprave za doprinos u razvoju participativne demokratije na lokalnom nivou, kako bi bili uključeni interesi i učešće onih koji su iskusili siromaštvo, socijalnu isključenost, marginalizaciju i, općenito, doprinosi djelotvornijem i egalitarnijem sistemu lokalne uprave.

Žene su potrebne u formalnim tijelima odlučivanja kako bi ženski grupni interesi bili zastupljeni na odgovarajući način. Kako žene i muškarci imaju istorijski različita iskustva u različitim životnim segmentima, doprinos žena u odlučivanju je potreban za poboljšanje i revitalizaciju demokratije u javnoj sferi djelovanja.

Kreiranje lokalne politike ravnopravnosti „osjetljivih“ grupa je prvi korak ka povećanju vidljivosti ženske uloge u procesu donošenja odluka i postolje za jedan od najvažnijih dijelova razvoja participativne demokratije na lokalnom nivou.



Potpisivanje protokola o saradnji, Kraljevo 28.02.2012.

Aktivnosti realizirane u 2011. godini

- Decembar 2011. godine - pripremne aktivnosti i koordinacija projektnih partnera. Skype Konferencija svih projektnih partnera održana je 14. decembra, kada su dogovoreni detalji oko početka implementacije projektnih aktivnosti;
- Pokretanje web stranice Projekta <http://www.gradovi-za-ravnopravnost.org>

Aktivnosti realizirane u 2012. godini



Konferencija u Kraljevu

- Kraljevo, 11. – 12. januar 2012. godine - Prvi sastanak partnerskih organizacija;
- Zagreb, 16. februar 2012. godine – Početna Konferencija „Program jačanja civilnog društva za Zapadni Balkan i Tursku: Partnerske aktivnosti – Osnaživanje žena“;
- Kraljevo, 28. februar 2012. godine - Početna regionalna Konferencija „Ravnopravnost žena i muškaraca na lokalnom nivou“ za predstavnike lokalnih vlasti – upoznavanje sa evropskim standardima ravnopravnosti spolova, sadržaj i vrijednosti Evropske povelje o jednakosti žena i muškaraca u lokalnom životu. Tokom početne Konferencije upriličeno je i potpisivanje Protokola o saradnji između partnerskih organizacija i gradova saradnika na Projektu.
- Kotor, 19. – 23. april 2012. godine:
 - 19. – 21. april 2012. godine - Obuka za lokalne timove za izradu lokalnih akcionih planova za rodnu ravnopravnost na lokalnom nivou;
 - 22. – 23. april 2012. godine - Drugi sastanak partnerskih organizacija;
- Niš, 19. – 21. septembar 2012. godine:
 - 20. septembar - Treći sastanak partnerskih organizacija;
 - 21. septembar - Okrugli sto organizovan za predstavnice/ke partnerskih organizacija i gradova/općina saradnika na Projektu



Sastanak u Kotoru



Sastanak u Nišu

- Mostar, 01. – 02. novembar 2012. godine:
- 01. novembar 2012. godine - Prijem u uredu gradonačelnika Grada Mostara priređen za predstavnice/ke partnerskih organizacija i gradova/općina saradnika na Projektu;
- 02. novembar 2012. godine – Finalna regionalna Konferencija Projekta “Regionalna saradnja i sprovođenje Evropske povelje o ravnopravnosti žena i muškaraca na lokalnom nivou”. Tokom finalne Konferencije gradonačelnik Grada Mostara je potpisao Evropsku povelju o ravnopravnosti žena i muškaraca u lokalnom životu;



Finalna konferencija u Mostaru

- Objavljene su publikacije izdate od strane Vijeća evropskih općina i regija (CEMR):
 - “Evropska povelja za ravnopravnost žena i muškaraca u lokalnom životu”,
 - “Vodič za sprovedbu Evropske povelje za ravnopravnost žena i muškaraca u lokalnom životu” i
 - “Grad za ravnopravnost” na jezicima zemalja partnera;
- Urađena su detaljna istraživanja i analize rodnih statističkih podataka relevantnih za stvaranje lokalnih akcionih planova, u svim gradovima partnerima;
- Tokom implementacije Projekta, „Evropska povelja za ravnopravnost žena i muškaraca u lokalnom životu“ potpisana je u Općini Mediana Grada Niša (Srbija), Gradu Kraljevu (Srbija) i Gradu Mostar (Bosna i Hercegovina);
- Tokom implementacije Projekta, Lokalni akcioni plan za implementaciju Evropske povelje o ravnopravnosti žena i muškaraca u lokalnom životu usvojen je u Općini Mediana Grada Niša (Srbija), a u ostalim gragovima/općinama partnerima čeka na usvajanje.



Priprema Lokalnog akcionog plana



Potpisivanje Povelje, Mostar 02.11.2012.

Monitoring javnih usluga na lokalnom nivou

Donator: Fond otvoreno društvo Bosne i Hercegovine

Voditelj Projekta: Agencija lokalne demokratije Mostar

Trajanje Projekta: Decembar 2011. – novembar 2012. godine

Opći cilj

Osnovna svrha i cilj Projekta je unapređenje odgovornosti i efikasnosti lokalnih vlasti u BiH u pružanju javnih usluga i zadovoljenju stvarnih potreba građana kroz aktivniju ulogu civilnog društva. Ovaj cilj će se ostvariti u jedinicama lokalne samouprave primjenom PULS metodologije kroz aktivnosti stalnog procjenjivanja i unapređivanja javnih usluga. Projekt će predstavnicima civilnog društva omogućiti djelotvoran uticaj na odgovorniji rad lokalnih vlasti, a lokalnim vlastima će omogućiti usklađivanje nivoa kvaliteta svojih usluga sa stvarnim potrebama građana.

Specifični ciljevi

- povećanje odgovornosti lokalnih vlasti za pružanje usluga na lokalnom nivou;
- povećanje učešća građana u procesima odlučivanja vezanim za pružanje lokalnih usluga;
- stvaranje uslova za kontinuirani monitoring stepena zadovoljstva građana pruženim lokalnim uslugama.



**građani i lokalna vlast
zajedno do boljih usluga**

Aktivnosti realizirane u 2012. godini

Pripremni sastanci

U periodu januar - februar 2012. godine održani su pripremni sastanci sa predstavnicima Grada Mostara (glavnom savjetnikom gradonačelnika Grada Mostara i načelnikom odjela za organizaciju, pravne poslove, opću upravu, civilnu zaštitu i vatrogastvo), Općine Konjic (načelnikom općine, pomoćnikom načelnika i koordinatorom Mjesnih zajednica) i Općine Jablanica (pomoćnik načelnika i šef službe za opću upravu, društvene djelatnosti, boračko-invalidsku zaštitu i socijalna pitanja).

Na sastancima je detaljno prezentiran Projekat „Monitoring javnih usluga na lokalnom nivou – građani i lokalna vlast zajedno do boljih usluga“, kao i sporazum koji LDA Mostar treba sklopiti sa navedenim Gradom i Općinama.



Trening za anketare

Obuka za anketare

LDA Mostar je upriličila obuku za anketare u mjesecu martu za predstavnike Vijeća mladih Grada Mostara, Omladinskog kluba „Pod istim suncem“ Jablanica i predstavnike Općinske organizacije Merhamet Konjic. Obuke su održane u Konjicu 27.03., Jablanici 28.03. i Mostaru 30.03.2012. godine.

Obuka anketara se sastojala od upoznavanja sa svrhom i ciljevima ispitivanja, te planiranja terenskog rada, pronalaženja, izbora i podsticaja ispitanika na saradnju, načina postavljanja svakog pitanja i bilježenja odgovora (detaljno upoznavanje sa upitnikom). Takođe, jedan dio obuke je bio i probno anketiranje, gdje su se anketari međusobno anketirali.

Obavještavanje javnosti o terenskom istraživanju

Da bi građane Mostara, Konjica i Jablanice što bolje informirali o terenskom istraživanju koje će sprovesti LDA Mostar u saradnji sa partnerskim organizacijama, pokrenuta je svojevrsna medijska kampanja. U saradnji sa Omladinskim radiom X, LDA Mostar je snimila jingle koji je emitiran na navedenom Radiju, te na Radiju Konjicu, RTV Jablanica i Radiju dobre vibracije. Jingle je emitiran u trajanju od sedam ili deset dana.

Terensko anketiranje prema definiranom obrascu

U periodu od 03. do 20. aprila 2012. godine LDA Mostar je u saradnji sa partnerskim organizacijama („Pod istim suncem“ Jablanica, OO „Merhamet“ Konjic i Vijećem mladih Grada Mostara) sprovedla terensko anketiranje na području Jablanice, Konjica i Mostara.

Nakon sprovedenog terenskog anketiranja LDA Mostar je pristupila provjeri rada anketara. Za Konjic, Jablanicu i Mostar napravljena je nasumična provjera 5 % anketiranih domaćinstava.

Agencija lokalne demokratije Mostar je uz pomoć volontera angažiranih na Projektu u periodu od 23. aprila do 04. maja završila unos podataka – anketa.



Javna tribina u Jablanici

Javna tribina u Jablanici

U prepunoj kino sali Omladinskog kluba „Pod istim suncem“, 18. septembra 2012. godine održana je Javna tribina sa kandidatima za načelnika Općine Jablanica.

Javnu tribinu je organizirala Agencija lokalne demokratije Mostar u sklopu Projekta „Monitoring javnih usluga na lokalnom nivou - građani i lokalna vlast zajedno do boljih usluga“.

Rezultati istraživanja o zadovoljstvu građana sa šesnaest javnih usluga, koje je u Općini Jablanica implementirala Agencija lokalne demokratije (LDA) Mostar, a koji se temelje na sprovedenom anketiranju kojim je obuhvaćeno ukupno 299 domaćinstava (građana/ki) sa područja svih 9 Mjesnih zajednica Općine Jablanica, bili su predmetom diskusije na Javnoj tribini.



Najlošije ocijenjene usluge u Općini Jablanica su javni prevoz u večernjim satima, zimsko održavanje ulica i puteva, volonterizam u održavanju zelenih površina i parkova, održavanje horizontalne i vertikalne signalizacije, cijena javnog prevoza. Na tribini su učestvovali: Miralem Dedić (SDA), Semiz Čilić (SDP), Omer Macić (SBiH), Šaban Nezirić (SBB). Osnovni cilj ove Javne tribine bio je da pitanje obima i kvaliteta javnih usluga postane jedno od centralnih pitanja izborne kampanje za lokalne izbore 2012. godine, polazeći od rezultata sprovedenog istraživanja.

Javna tribina u Konjicu

Agencija lokalne demokratije Mostar je 27. septembra 2012. godine organizirala Javnu tribinu sa kandidatima za načelnika u Općini Konjic u Drvenoj sali Društvenog doma.

Javnu tribinu je organizirana u sklopu Projekta „Monitoring javnih usluga na lokalnom nivou - građani i lokalna vlast zajedno do boljih usluga“.



Javna tribina u Konjicu

Rezultati istraživanja o zadovoljstvu građana sa šesnaest javnih usluga, koje je u Općini Konjic implementirala Agencija lokalne demokratije (LDA) Mostar, a koji se temelje na sprovedenom anketiranju kojim je obuhvaćeno ukupno 681 domaćinstava (građana/ki) sa područja svih 18 Mjesnih zajednica Općine Konjic, bili su predmetom diskusije na Javnoj tribini.

Na tribini su učestvovali Emir Bubalo (SDA), Mirsad Ljeljak (SDP), Mesud Džajić (SBB) i Emir Omerović umjesto kandidatkinje Eveline Macić (SPR-Stranka pravde i razvoja BiH).

Najlošije ocijenjene komunalne usluge u Konjicu su kvalitet i cijena centralnog grijanja, održavanje zelenih površina i parkova, raspoloživost i lokacija dječjih igrališta, javna rasvjeta i socijalna zaštita, što je bila osnova za diskusiju.

Međutim, postavljana su i druga pitanja, kao npr. zašto grad nema lokalne ni međugradske autobuske stanice, nema igrališta za djecu, nijednog javnog toaleta, loša opremljenost škola na terenu, nedovoljna ulaganja u sport i sportske objekte...

Osnovni cilj ove javne tribine bio je da pitanje obima i kvaliteta javnih usluga postane jedno od centralnih pitanja izborne kampanje za lokalne izbore 2012. godine, polazeći od rezultata sprovedenog istraživanja.



Javna tribina u Mostaru

Agencija lokalne demokratije Mostar je 22. novembra 2012. godine organizirala Javnu tribinu sa predstvincima klubova političkih stranaka koje prćipiraju u radu Gradskog vijeća Grada Mostara.

Javnu tribinu je organizirana u sklopu Projekta „Monitoring javnih usluga na lokalnom nivou - građani i lokalna vlast zajedno do boljih usluga“.



Plakat za javnu tribinu u Mostaru

Rezultati istraživanja o zadovoljstvu građana sa šesnaest javnih usluga, koje je u Gradu Mostaru implementirala Agencija lokalne demokratije (LDA) Mostar, a koji se temelje na sprovedenom anketiranju kojim je obuhvaćeno ukupno 1.135 domaćinstava (građana/ki) sa područja svih 43 Mjesnih zajednica Grada Mostara, bili su predmetom diskusije na Javnoj tribini.

Na tribini su učestvovali Adil Šuta (SDA), Elvir Zlomušića (SDP), Čazim Lulić (nezavisni vijećnik), Danijel Vidović (HDZ) i Milenko Paunovski (NSRZB). Najlošije ocijenjene komunalne usluge u Gradu Mostaru su zimsko održavanje ulica i puteva, raspoloživost lokacija dječjih igrališta, volonterizam u održavanju zelenih površina i parkova, raspoloživost i lokacija sportskih terena, održavanje zelenih površina i parkova. Prisutni na Tribini su istaknuli da vijećnici za vrijeme svog mandata nisu dovoljno radili na komunikaciji sa građanima.

Takođe, veliki dio postavljenih pitanja odnosio se na održavanje zelenih površina, zabranu parkiranja na zelenim površinama.



Jačanje uloge žena i mladih političkih lidera u BiH – uloga žene u javnom i političkom životu

Donator: Vijeće Evrope i USAID

Voditelj Projekta: Vijeće Evrope

Trajanje Projekta: April 2012. - septembar 2012. godine

Opis Projekta

USAID BiH i Vijeće Evrope realiziraju 21-mjesečni program „Jačanje uloge žena i mladih političkih lidera u Bosni i Hercegovini“. Program je započeo u septembru 2011. godine i trajati će do juna 2013. godine. Programske aktivnosti se realizuju u dva smjera kako bi što bolje podržale snažnije uključivanje žena i mladih u političke procese u BiH.

Aktivnosti su usmjerenе na ostvarenje sljedećih ciljeva:

- 1) Veća angažovanost žena u političkim procesima; i
- 2) Stvaranje nove i odgovornije generacije lidera unutar političkih partija.


Sveukupni cilj Programa je da osnaži žene i mlade u svrhu preuzimanja aktivnije uloge u političkim procesima. Program će pomoći stvaranje nove i odgovornije generacije lidera unutar političkih partija na predstojećim općinskim izborima te podići svijest o važnosti uloge žena u političkim procesima, kao i povećati njihov angažman u politici.

Opis problema

Iako su žene u BiH ostvarile političku moć na najvišim nivoima, one su još uvijek znatno manje prisutne u javnom životu te na rukovodećim pozicijama u političkim partijama kao i na državnom i regionalnom nivou. Korijen problema leži u jakim kulturnim i društvenim predrasudama koje su još uvijek prisutne.

Politički i stranački lideri posmatraju žene kao nevažne za ostvarenje njihovih aspiracija u postizanju i održavanju političke moći.

Uzimajući sve ovo u obzir, ovaj Program se značajno fokusira na podizanje svijesti o važnosti uloge žena u političkim procesima pred općinske izbore 2012. godine, i to radeći sa ženama, NVO-ima sa ženskim predznakom i ženama kandidatkinjama na izborima.



Programske aktivnosti i očekivani rezultati

Programske aktivnosti su ojačale komunikaciju i političku svijest među ženama i mladima različitih nacionalnosti. Izbori 2012. godine pružali su mogućnost da se ojačaju žene i mlađi kako bi imali značajniju ulogu u izbornim i političkim procesima jer su tada političke partije više usmjerene na suštinska pitanja upravljanja na općinskom nivou nego na etničke podjele koje inače dominiraju u državnim političkim debatama.

Aktivnosti je realiziralo 48 žena, koordinatorica ovoga Projekta, u cijeloj Bosni i Hercegovini, na području 8 kantona, odnosno 49 gradova/općina, sa ciljem da na svojim skupovima okupi ukupno do 10.000 žena.

Agencija Lokalne demokratije Mostar, u saradnji s 6 koordinatoricama, učestvovala je u realizaciji projektnih aktivnosti na području Hercegovačko - neretvanskog, Zapadnohercegovačkog i Livanjskog kantona. Gradovi/općine na čijim teritorijama su se realizirale aktivnosti su: Posušje, Grude, Široki Brijeg, Ljubuški, Čapljina, Stolac, Tomislavgrad i Mostar. Organizirano je 60 skupova na kojima se okupilo 3.000 žena.

Aktivnosti realizirane u 2011. - 2012. godini

- 27. – 30. oktobar 2011. godine, Sarajevo - Učešće u prvom dijelu obuke za koordinatorice projekta;
- 16. – 19. decembar 2011. godine, Vlašić - Učešće u drugom dijelu obuke za koordinatorice projekta;
- 27. – 29. april 2012. godine, Trebinje - Učešće u trećem dijelu obuke za koordinatorice;



Završni seminar, Sarajevo



Radionica Vrapčići

- 18. maj 2012. godine - Radionica u Mjesnoj zajednici (MZ) Vrapčići Gradskog područja Mostar Sjever organizirana za građanke i građane Mjesne zajednice;
- 29. maj 2012. godine - Radionica u MZ Drežnica Gradskog područja Mostar Sjever organizirana za građanke i građane Mjesne zajednice;
- 04. juni 2012. godine - Radionica u Gradu Mostaru organizirana za vijećnice i predstavnice političkih partija;
- 13. -15. decembar 2012. godine, Sarajevo - Završni seminar za koordinatorice Projekta.



Radionica Mostar



Radionica Vrapčići

Edukacija za djecu o pravima manjina

Donator: EACEA, Program „Mladi u akciji“

Voditelj Projekta: Agencija lokalne demokratije (LDA) Mostar

Projektni partneri: Udruga za promoviranje humanosti i urbane kulture, Knin (Hrvatska), TDM 2000 Estonia, Tartu (Estonija); Associazione TDM 2000, Cagliari (Italija); Detski parlament na Makedonija, Veles (Bivša jugoslavenska republika Makedonija); Agencija lokalne demokratije, Nikšić (Crna Gora); ConnectART, Matosinhos (Portugal), Club for Youth Empowerment 018, Niš (Srbija); Kosova Young Lawyers, Priština (Kosovo); Youth Included, Prag (Češka).

Trajanje Projekta: Decembar 2012. – april 2013. godine



Mostar Čitatečni list... Pravljeno i postalo... Aktualnosti, vi...
Deset partnerskih organizacija i 30 sudionika iz zapadnog Balkana i EU-a

Mladi u borbi protiv ksenofobije i diskriminacije

Radimo na razvoju strategije i aktivnosti za suzbijanje rasizma, ksenofobije, diskriminacije i rodnog oblika nepoštovanja, kazala nam je Maja Vežović Voloder, koordinatorica projekta

Mladi u borbi protiv ksenofobije i diskriminacije

Projekt "Mladi u borbi protiv ksenofobije i diskriminacije" je dio evropske mreže mladih u borbi protiv ksenofobije i diskriminacije. Cilj projekta je da se mladi uključuju u borbu protiv ksenofobije i diskriminacije, te da se razviju njihove vještine i sposobnosti za rad u međusobnom suradnju. Projekat će se realizirati u periodu od 1. decembra 2012. do 30. aprila 2013. godine.

Aktivnosti realizirane u 2012. godini

Obavljene su pripremne aktivnosti u saradnji sa partnerima, sa ciljem odabira učesnika planirane obuke.

Kratak opis Projekta

“Edukacija za djecu o pravima manjina” će biti kurs obuke uspostavljen da bi se osnažio rad organizacija koje rade sa djecom na edukaciji o pravima manjina ali i promociji posebnih prava djece manjinskog porijekla.

Glavni cilj jeste opremiti učesnike korisnim alatima kako bi mogli krenuti ka povezivanju sa manjinama i zajedničkom dijalogu između manjina i društava-domaćina, počevši od djece, građana sutrašnjice. Tokom šest dana obuke, boraveći u Mostaru, u Bosni i Hercegovini, trideset učesnika, polovina iz Evropske unije i polovina iz Jugoistočne Evrope, imati će priliku da podijele ne samo iskustva i najbolje prakse, već i da raspravljaju o preprekama i idejama kako poboljšati socijalnu inkluziju djece koja pripadaju različitim manjinama, i kako ih obrazovati da je kultivišu.

Tokom kursa, obradit će se teme kao što su sami koncept manjine, koje institucije su nadležne za pitanja manjina, i koja je uloga NVO-a u ovoj oblasti, a posebno u razumijevanju različitih alata za obrazovanje djece o pravima manjina. Centralno pitanje će nesumnjivo biti osiguravanje alata učesnicima koji im mogu biti korisni da djeci približe važnost uključivanja ljudi s tako različitim društvenim porijeklom, kako bi oni postali agenti promjene u ovom procesu, i na taj način poboljšali međusobni dijalog između većina i manjina. Glavna metodologija same obuke će biti neformalna edukacija, upotpunjena nekim teoretskim dodacima u određenim dijelovima. Metode će uključivati grupne rasprave, okrugle stolove, igre uloga, simulacije i različite dinamične aktivnosti koje stimulišu kreativnost i aktivno učešće.

Aktivnosti realizirane u 2012. godini

Obavljene su pripremne aktivnosti u saradnji sa partnerima, sa ciljem odabira učesnika planirane obuke.

Putujući seminar za mlade novinare “Stopama Alberta Londresa”

Donator: EACEA, Program „Mladi u akciji“

Voditelj Projekta: Agencija lokalne demokratije (LDA) Mostar

Projektni partneri: Udruga za promoviranje humanosti i urbane kulture, Knin (Hrvatska), TDM 2000 Estonia, Tartu (Estonija); Associazione TDM 2000, Cagliari (Italija); Detski parlament na Makedonija, Veles (Bivša jugoslavenska republika Makedonija); Agencija lokalne demokratije, Nikšić (Crna Gora); ConnectART, Matosinhos (Portugal), Club for Youth Empowerment 018, Niš (Srbija); Kosova Young Lawyers, Priština (Kosovo); Youth Included, Prag (Češka).

Trajanje Projekta: Decembar 2012. – april 2013. godine

Kratak opis Projekta

Francusko-balkanska mreža organizira Putujući seminar „Stopama Alberta Londresa”, sa namjerom da promovira novinarsko izvještavanje među neprivilegovanim mladima iz Francuske i zemalja Balkana. Ovaj Projekat je organiziran u okviru multilateralnog decentraliziranog programa saradnje za dobro upravljanje u Jugoistočnoj Evropi.

Učesnici Projekta i njegovi direktni korisnici bili su mlađi/novinari u dobi od 18 do 30 godina starosti, koji su odabrani i imali su priliku da putuju Balkanom 18 dana (od Subotice preko Osijeka, Tuzle, Sarajeva, Mostara, Nikšića, Skadra, Skoplja, Niša i Beograda, nazad do Subotice), te naprave novinarsku priču o aktuelnim temama i trenutnom političkom, socijalnom, ekonomskom, ekološkom stanju na Balkanu koristeći različite novinarske alate, sve to sa refleksijom na sadašnje stanje u Evropi.

Glavni cilj projekta

Cilj ovog projekta jeste da oživi iskustvo Alberta Londresa, rođenog u Vichy (1884.-1932.), začetnika modernog žurnalizma i izvještavanja, na osnovu iskustva stečenog tokom njegovih mnogobrojnih putovanja Balkanom početkom 20. vijeka. Njegova priča ima za cilj da stimulira „ukus“ avanture, značajke i otvorenosti ka drugim kulturama među mladima koji imaju talent reporter, ali koji nemaju priliku da putuju i podijele svoje reportersko znanje. Cilj programa je takođe podržati vrijednosti mira i interkulturalnog dijaloga i promovira evropsku integraciju svih zemalja Jugoistočne Evrope tako što omogućava susrete predstavnika lokalnih vlasti i organizacija civilnog društva iz Francuske i sa područja Balkana, te razmjenu zajedničkih ideja i projekata.

Aktivnosti realizirane u 2012. godini

- 05. – 24. august 2012. godine - Putujući seminar za mlade novinare “Stopama Alberta Londresa”.



OSTALE AKTIVNOSTI

Ženska strana politike

Helsinški parlament građana Banja Luka je 1. oktobra 2011. godine počeo sa realizacijom projekta „Ženska strana politike“, koji finansijski podržava Fondacija Instituta otvoreno društvo, a čiji je cilj osnaživanje žena unutar političkih partija, posebno unutar upravljačkih struktura, i aktivistkinja organizacija civilnog društva, kako bi mogle ravnopravno učestvovati u procesu odlučivanja i afirmisanju koncepta rodne ravnopravnosti u svim sferama našeg društva.

Projektom je planirano osnivanje Političke akademije za žene, članice i aktivistkinje političkih partija i organizacija civilnog društva, i formiranje Alternativne ženske vlade BiH, kao neformalnog, ali respektabilnog političkog subjekta na političkoj sceni BiH, koja bi artikulirala i promovirala potrebe i stavove žena BiH i kroz čiji rad bi se promovirao ženski stručњački potencijal u različitim oblastima.

Takođe, planirano je formirati čitalačke grupe na Fakultetima političkih nauka u Banjaluci i Sarajevu, kako bi se senzibilizirale nove generacije budućih političara/ki, novinara/ki, politikologa/inja, ali i studente/ice drugih usmjerenja za pitanja rodne ravnopravnosti, odnosno jednakog učešća žena i muškaraca u svim oblastima života, a posebno javnog i političkog života u BiH.

Helsinški parlament građana Banja Luka počeo je sredinom 2011. godine razvijati Mentorski program, kroz koji se nastoji omogućiti polaznicama Političke akademije da obave neku vrstu prakse u različitim institucijama i organizacijama, odnosno na radnim mjestima već pozicioniranih žena. I pored dobrog zakonskog okvira koji garantuje rodnu ravnopravnost u BiH, poboljšanje položaja žena je još uvijek daleko od željenog. Sproveđenjem ovog projekta žele se podstaknuti i osnažiti žene, naročito mlađe članice političkih partija i organizacija civilnog društva da budu što vidljivije i uticajnije u javnom i političkom životu BiH, što samo može doprinijeti dalnjem razvoju cijelokupnog našeg društva.

Žensko pravo glasa izraz je kojim se danas označava u svijetu uglavnom općeprihvaćeni koncept prema kojem muškarci i žene imaju jednako pravo glasa, odnosno da je opće pravo glasa, a s njime i moderni koncept demokratije nezamisliv ukoliko ne uključuje ravnopravnost muškaraca i žena na biralištima.

U istorijskom kontekstu taj se izraz odnosi na feministički pokret „Žensko pravo glasa“ koji se pojavio u zapadnim industrijskim državama u 19. vijeku i proširio u 20. vijeku.

Danas je žensko pravo glasa prihvaćeno u gotovo svim državama svijeta. Jedini izuzetak predstavljaju određene zemlje, gdje se ženama ne daje pravo glasa iz vjerskih razloga.



Predstavnica LDA Mostar jedna je od prvih 26 polaznica Akademije, i u 2012. godini kroz Projekat su organizirane 2 obuke. Prva obuka na temu "Rod i politika" organizirana je u Laktašima, gdje je 26 polaznica Akademije, u tri dana obuke imalo priliku upoznati se pobliže sa pojmovima rodne ravnopravnosti i zakonskih okvira koji se vežu za taj pojam, kao i političkoj zastupljenosti žene u BiH.

Druga obuka organizirana je na temu "Rod i informacione tehnologije". Obuka je održana u Konjicu, i na trodnevnim sesijama, polaznici su male priliku upoznati se sa problematikom rodne ravnopravnosti u informacijskim tehnologijama, kao i zastupljenosti medija i njihovoj ulozi u političkom životu, sa posebnim osvrtom na žene u politici.

Nakon drugog modula uslijedila je pauza, za vrijeme koje su polaznice neformalno komunicirale međusobno, razmjenjivale mišljenja i iskustva sa terena, iz svih gradova BiH, te su imale zadatak napisati po jedan stručni tekst na teme koje su obrađivane u pomenutim modulima.

Nastavak obuke i posljednji treći modul zakazan je za početak 2013. godine, gdje će se polaznice susresti sa novim, kvalitetnim predavačima i slušati predavanja na temu "Rod i moć".

ALF mreža u BiH

Svrha Anna Lindh Fondacije jeste zbližavanje ljudi sa cijelog Mediterana u svrhu poboljšanja uzajamnog poštovanja među kulturama i podrška civilnom društvu koje radi na osiguravanju zajedničke budućnosti regije. Od samog osnivanja, 2005. godine Anna Lindh Fondacija je pokrenula i podržala akcije u različitim oblastima, utičući tako na percepciju pripadnika različitih kultura i vjerovanja, kao i na razvoj regionalne mreže koja se sastoji od preko 3.000 organizacija civilnog društva.

Program Fondacije je usmjeren na aktivnosti u područjima koja su bitna za ljudski i socijalni dijalog

- Obrazovanje i Mladi
- Kultura i Umjetnost
- Gradovi i Migracije
- Religija i Duhovnost
- Mir i Koegzistencija
- Medijske aktivnosti

Kako u ostalim zemljama, članicama regionalne ALF Mreže, tako i u Bosni i Hercegovini formirana je mreža organizacija civilnog društva, koja kao takva djeluje ne samo na lokalnom, nego i na regionalnom nivou, učvršćujući odnose među organizacijama članicama mreže, kao i razvijajući nova partnerstva i projektne ideje u zemlji, ali i na Mediteranu.

LDA Mostar je od 2011. godine članica ALF Mreže BiH, a od juna 2012. godine predstavnik LDA Mostar je i član Upravnog odbora spomenute Mreže, čime direktno učestvuje u kreiranju strategija i programa mreže, te njen budući rad. Na sastanku ALF Mreže BiH održanom 19. juna 2012. godine, potpisana je Memorandum o razumijevanju među organizacijama članicama mreže, a broj potpisnika Memoranduma svakim danom raste



Nove Urbane Topologije (NUT)

Osnovni cilj projekta NUT jeste započeti proces iniciranja rasprava o urbanim problemima i mogućnostima na Bliskom istoku, a sve to u saradnji sa partnerskim organizacijama, kako bi se podstaklo stvaranje novih kontakata, kao i uslovi za razmjene iskustava.

Organizacija Färgfabriken iz Štokholma već nekoliko godina slične aktivnosti realizira u zemljama Istočne Evrope, Balkana i Srednjeg Istoka.

Organizaciju događaja u Mostaru podržala je i Ambasada Švedske u BiH, a Njegova Ekselencija Bosse Hedberg, ambasador Švedske u BiH, priredio je prijem za učesnike Seminara, te učestovao u svim aktivnostima programa u Mostaru.

Agencija lokalne demokratije Mostar bila je partner u organizaciji i jedan od domaćina trodnevног programa posjete Mostaru učesnika Projekta „Nove Urbane Topologije“ (NUT).

U periodu od 07. do 09. novembra 2012. gosti Mostara su bili predstavnici partnerskih organizacija iz Bjelorusije, Moldavije, Egipta i Makedonije. Ovom prilikom reliziran je niz aktivnosti sa ciljem kreiranja demokratske platforme za urbani razvoj grada Mostara sa posebnim fokusom na područje Distrikta.

Kreiran je model NUT programa za Bliski istok koji se djelimično temelji na iskustvima iz Istočne Evrope. Taj model podijeljen je na četiri etape:

1. Seminar, na kojem student urbanog planiranja i arhitekture iz Štokholma, zajedno sa studentima drugih gradova, partnera razmjenjuju iskustava;
2. Izlet autobusom kroz svaki grad partner, gdje će biti istaknute mogućnosti i problemi. Istorija grada i mogućih razvojnih područja biti će se generirani, te će se koristiti kao teme za nadolazeće radionice;
3. Interaktivne radionice, gdje se različita pitanja o temama kao što su učešće, identitet, problematična područja ili ideje za novi razvoj, stavljaju na diskusiju;
4. Rezultati će biti prikazani neposredno nakon radionica kao prezentacija koja se sastoji od videa, skica, crteža, tekstova, fotografija, modela i slično, izrađenih u okviru Projekta. Rezultati će takođe biti uključeni u publikaciju koja će sažeti Projekat i ideje iz svih gradova.



Strategija za mlade grada Mostara

U skladu sa odredbama Zakona o mladima Federacije BiH, Gradsko Vijeće Grada Mostara je pokrenulo proceduru donošenja Strategije za mlade Grada Mostara za period 2012. - 2015. S tim u skladu, Služba za odgoj, obrazovanje, mlade i sport Grada Mostara pokrenula je proceduru izrade Strategije u oktobru 2010. godine. Prvi korak u izradi strategije bio je anketiranje mladih s područja Grada Mostara.



Nakon analize anketnog ispitavnja, gradonačelnik Grada Mostara donio je Rješenje o imenovanju Koordinacijske grupe za izradu Strategije za mlade Grada Mostara 2012.-2015., čiji je zadatak da osigura sinhronizovano vođenje procesa tematskog rada na izradi Strategije, osigura materijalno tehnička sredstva za rad, te utvrđuje nacrt dokumenta Strategije. Članovi Koordinacijske grupe ujedno su i koordinatori radnih tijela za izradu Strategije, a prestavnica LDA Mostar je u proceduri izrade Strategije učestvovala kao koordinatorica radnog tijela za aktivno učešće mladih u društvu.

Tokom 2012. godine radno tijelo i Koordinacijska grupa sastajala se u više navrata sa ciljem pripreme Strategije:

- prvi sastanak održan je 25. januara 2012. godine, gdje su članovi Grupe upoznati sa svojom ulogom i zadacima, te je napravljen plan rada Koordinacijske grupe. Kao sljedeći korak, članovi Grupe su preuzeли izradu analize potreba i problema koji se tiču mladih u lokalnoj zajednici;
- drugi sastanak održan je 07. marta 2012. godine, na kojem su prezentirani rezultati analize, te dogovoren sljedeći korak, priprema preporuka za izradu Strategije za mlade Grada Mostara;
- treći sastanak održan je 17. maja 2012. godine, gdje je Grupa pripremila i prezentirala preporuke za izradu Strategije za mlade Grada Mostara, koje su predate nadležnim u Gradu Mostaru.

Evaluacija Agencija lokalne demokratije Nikšić (Crna Gora), Škodra (Albanija) i Mostar (BiH) 23. - 28./05/2012.

Evaluacijski tim koji su činili Stanka Parać Damjanović, regionalni koordinator Programa ALDA-e za Jugoistočnu Evropu, Dobrica Milovanović, član Uprvanog odbora ALDA-e i Dženana Dedić članica upravnog odbora ALDA-e i delegatkinja LDA Mostar, posjetili su Agencije lokalne demokratije u Nikšiću, Škodri i Mostaru. Pored posjeta Agencijama, ovom prilikom razgovaralo se sa predstavnicima lokalnih vlasti i organizacija civilnog društva koje su imale saradnju sa Agencijama lokalne demokratije, te se stvorio uvid u stvarno stanje, probleme i potrebe, ali i u relizirane rezultate i uspjehe Agencija. Evaluacijski tim je podnio izvještaj o evaluaciji Upravnog odboru ALDA-e na sastanku održanom u Monfalconeu, u julu 2012. godine.

Evaluacijska procedura za Agencije lokalne demokratije članice ALDA-ine mreže je započeta 2005. godine, po odluci Upravnog odbora a sa ciljem jačanja održivosti i operativnog kapaciteta Agencija, koje funkcionišu u različitim lokalnim situacijama. Prva evaluacijska misija je bila organizirana 2005. godine za LDA Nikšić (Crna Gora) na ad hoc osnovi, a nakon nje uslijedila je još jedna 2006. godine kako bi se razriješilo nekoliko problema koji su bili vezani za funkcionisanje Agencije.

Tokom tih misija, tim za evaluacije susreo se s mnogim interesnim stranama kako bi bolje razumijeli lokalnu situaciju i saznali šta se može i treba unaprijediti. Upravni odbor ALDA-e je predložio uspostavljanje generalne procedure evaluacije kako bi Agencije lokalne demokratije mogle biti revidirane na redovnoj osnovi. Ova procedura sada služi kao kontrola kvalitete funkcionisanja, koja omogućava Mreži da formira pro-aktivan i efektivan pristup rješavanju potencijalnih problema i time pomogne unapređenju funkcionisanja individualnih Agencija i Mreže kao cjeline. Do sada su evaluirane LDA Crna Gora (2005.), LDA Ohrid (2006.), LDA Osijek (2007.), LDA Subotica (2007.) i LDA Zavidovići (2008.).

Tokom godišnjeg Seminara obuke za sve Agencije lokalne demokratije, koji je održan u Sisku, Hrvatska, u novembru 2011. godine, donesena je odluka da se proces evaluacije nastavi i da se informacije distribuiraju među Agencijama. Četiri Agencije lokalne demokratije su predviđene za evaluaciju u nadolazećem dvogodišnjem periodu i to: LDA Albanija, LDA Mostar i LDA Crna Gora.



Mostar Vijeće



Sastanak s gradonačelnikom Mostara



Sastanak u Nikšiću

Komisija za saradnju sa nevladinim sektorom u Gradu Mostaru

Na inicijativu bivšeg visokog predstavnika Christian Schwartz Schillinga i CSSP Projekta za integrativnu medijaciju, 08. juna 2012. godine, u prostorijama Nansen dijalog centra održan je sastanak predstavnika šest nevladinih organizacija iz Mostara i CSSP-a kao preuslov osnivanju konsultativnog mehanizma za saradnju između Gradskog vijeća Grada Mostara, Gradske uprave i civilnog sektora Mostara. Na sastanku se razgovaralo i o Općinskom sporazumu između lokalnih vlasti i nevladinih organizacija.

Sastanak predstavnika Grada Mostara i nevladinih organizacija radi potpisivanja Općinskog sporazuma između lokalnih vlasti i nevladinih organizacija u Mostaru održan je 05. jula 2012. godine. Organizirala ga je Gradska uprava Grada Mostara, a tom prilikom, 19 organizacija zajedno sa Agencijom lokalne demokratije Mostar je potpisalo Općinski sporazum između Grada Mostara i nevladinih organizacija, dok je veliki broj nevladinih organizacija u kasnjem periodu potpisalo isti.

Drugi sastanak predstavnika Gradskog vijeća Grada Mostara, Gradske uprave Grada Mostara i predstavnika pet vodećih organizacija civilnog društva u Mostaru organiziran je u prostorijama Gradske uprave 17. septembra 2012. godine kako bi se dogovorio način komunikacije nakon službenog potpisivanja Sporazuma između Grada Mostara i organizacija civilnog društva u julu 2012. godine.

Kao jedan od rezultata konsultativnog mehanizma, uspostavljenog nakon niza sastanaka, za saradnju između Gradskog vijeća, Gradske uprave i predstavnika civilnog sektora grada Mostara, jeste da su tri predstavnika organizacija civilnog društva (Forma F, LDA Mostar i LiNK) imenovana članovima Komisije za odnose sa vjerskim zajednicama i nevladnim organizacijama Gradskog vijeća Grada Mostara na mandate od dvije godine. Budući da je visoki predstavnik za Bosnu i Hercegovinu gospodin Valentin Incko zamrznuo mandate vijećnicima Gradskog vijeća u novembru 2012. godine, Komisija je održala tri sjednice.

Prvi sastanak Komisije za odnose sa vjerskim zajednicama i nevladnim organizacijama Gradskog vijeća sa vanjskim članovima nevladinih organizacija održan je 01. oktobra 2012. godine u prostorijama Gradskog vijeća Grada Mostara.

Članovi Udruženja za poduzetništvo i posao LiNK, Udruženja građana Forma F i Agencije lokalne demokratije Mostar, izabrani da predstavljaju nevladin sektor Mostara, susreli su se sa pet vijećnika Gradskog vijeća Grada Mostara koji čine Komisiju za odnose sa vjerskim zajednicama i nevladnim organizacijama. Sastanak je bio organiziran u svrhu upoznavanja i dogovaranja sljedećih koraka i aktivnosti. Važno je napomenuti da je ovom sastanku prethodilo usvajanje odluke Gradskog vijeća o proširenju Komisije za vjerske zajednice i nevladine organizacije za tri predstavnika nevladinih organizacija Mostara.



Sastanak predstavnika 15 nevladinih organizacija iz Mostara sa dva službenika Odjela Gradske uprave Grada Mostara nadležnog za vjerske zajednice i nevladine organizacije održan je 03. oktobra 2012. godine u prostorijama Gradske uprave.

Tema ovog sastanaka bio je poziv ostalim nevladnim organizacijama iz Mostara da potpišu Sporazum između Grada Mostara i nevladinih organizacija kao i poziv nevladnim organizacijama da učestvuju u radu sektorskih radnih grupa koje će se formirati od predstavnika Gradskog vijeća, Gradske uprave i nevladinih organizacija. Sektorske radne grupe će raditi na definiranju trenutne situacije, problema i potreba Grada u specifičnim sektorima.

Komisija časti Gradskog vijeća Grada Mostara

Etička komisija časti Gradskog vijeća Grada Mostara je osnovana odlukom Vijeća 01-02-210/10 dana 29. jula 2010. godine. Komisija je sačinjena od pet članova (tri vijećnika Gradskog vijeća) i dva predstavnika organizacija civilnog društva (Agencija lokalne demokratije (LDA) Mostar i Udruga građana Altruist Mostar).

Na samom početku rada Komisije, OSCE Misija u BiH je organizirala trening za članove Komisije na kojem su prezentirana iskustva Gradačca i Gračanice o metodologiji rada, promociji etičkog kodeksa i pripremi Poslovnika o radu.

Za vrijeme svog mandata, Komisija je održala 10 sjednica, a najznačajniji aktovi usvojeni na sjednicama su: Poslovnik o radu i Pravilnik o sankcijama Etičke komisije časti Gradskog vijeća Grada Mostara, te formular za prijavu nedoličnog ponašanja gradskih vijećnika.

Takođe, za vrijeme svog mandata Komisija je zaprimila tri prijave nedoličnog ponašanja od strane vijećnika, ali Komisija nije bila u mogućnosti da sankcionira navedene vijećnike jer u tom period nije postojao Poslovnik o radu i Pravilnik o sankcijama. Bitno je napomenuti da su se članovi Komisije u nekoliko navrata mijenjali, jer su pojedini vijećnici odlazili na više funkcije.

Sastanak delegata Agencija lokalne demokratije

Sastanak je održan u Nišu, u period od 9.-10. januara 2012. godine. Domaćin sastanka bila je Agencija lokalne demokratije Niš. Na sastanku su delegati Agencija lokalne demokratije iz regiona imali priliku da se susretnu, razmijene iskustva iz prethodne godine, prezentiraju planove za 2012. godinu te razgovaraju o problemima i preprekama sa kojima se susreću u radu. Ovom prilikom radilo se i na razvoju zajedničkih projekata.

Kao i svake godine izabran je delegat-predstavnik za Upravni odbor Asocijacije agencija lokalne demokratije (ALDA). Za 2012. godinu izabrana je delegatkinja LDA Mostar, gđa. Dženana Dedić.



Skupština ALDA-e

Upravni odbori i Skupština Asocijacija agencija lokalne demokratije (ALDA)



Prebrojavanje glasova za Upravni odbor ALDA-e

Svake godine ALDA redovno organizira sastanke za članove svojih upravljačkih tijela. Održana su tri sastanka Upravnog odbora: Brisel, februar 2012., Monfalcone, juni 2012., i Strasbourg, oktobar 2012. Tokom ove godine, delegatkinja LDA Mostar prisustvovala je sastancima Upravnog odbora kao predstavnica svih delegata Agencija lokalne demokratije. Na sastancima Upravnog odbora, pored redovnih izveštaja o radu i planova za naredni period, ove godine predložene su i izmjene Statuta Asocijacije, a ovo je bila i godina izbora novog predsjednika te članova upravnog odbora, što je takođe bila jedna od tema rada Upravnog odbora. Skupština Asocijacije agencija lokalne demokratije za 2012. godinu održana je Udinama u junu. Pored redovne prezentacije rada u protekloj godini, te plana aktivnosti za naredni period, članovi Skupštine birali su i nove članove Upravnog odbora, a za novog predsjednika izabran je Oriano Otočan.

Skupština Agencije lokalne demokratije (LDA) Mostar

LDA Mostar je 28.05.2012. održala redovnu godišnju Skupštinu. Članovi Skupštine su imali priliku pobliže se upoznati sa svim aktivnostima realiziranim tokom 2011. godine. Takođe, članovima Skupštine predstavljen je plan i program aktivnosti za 2012. godinu, odobreni projekti, te akcije koje se trebaju sprovesti kroz projekte koji su u toku implementacije. Izveštaj za protekli kao i plan za naredni period jednoglasno je usvojen.

Članovi skupštine su i ove godine odabrali nove ili napravili reizbor članova Upravnog odbora, kao i predsjednika Skupštine, te njegovog sekretara/sekretarice.

Za 2012. godinu Upravni odbor LDA Mostar čine:

- Sanela Demirović, predsjednica Upravnog odbora
- Ramiz Bašić, član Upravnog odbora
- Dario Terzić, član Upravnog odbora

Predsjednik Skupštine Udruženja za 2012. godinu:

Sanel Nezirić

Sekretarica Udruženja za 2012. godinu:

Maja Vejzović




Godišnjica Agencije lokalne demokratije Mostar

Povodom obilježavanja 7. godišnjice rada Agencije lokalne demokratije Mostar, 28. novembra 2012. godine organiziran je prijem u Hotelu Bristol, na koji su pozvani svi partneri/partnerke, prijatelji/prijateljice LDA Mostar, te svi oni sa kojima je Agencija surađivala u tekućoj godini. Tom prilikom prisutnima je prezentiran rad Agencije tokom 2012. godine, a ovo je kao i svake godine bila prilika za druženje i zahvalu za saradnju i podršku svim našim partnerima i saradnicima.



Četvrti Forum civilnog društva Zapadnog Balkana



Predstavnica Agencije lokalne demokratije Mostar učestvovala je u radu četvrtog Foruma civilnog društva Zapadnog Balkana, u Zagrebu 26. i 27. novembra 2012. godine.

Glavne teme Foruma su bile:

- Kako unprijetiti slobodu medija i slobodu izražavanja u regionu;
- Koja je uloga organizacija civilnog društva u ruralnom razvoju i zapošljavanju;
- Kako dodatno ojačati kapacitete organizacija civilnog društva u zemljama Zapadnog Balkana?

Predstavnica LDA Mostar u radu Foruma učestvovala je zajedno sa predstavnicom NVO „Kvinna till Kvinna“ iz Švedske sa kojom u partnersvu realizira projekt promocije Evropske povelje o ravnopravnosti spolova na lokalnom nivou.



AIMF Seminar

Grad Mostar i LDA Mostar predstavili su svoja iskustva o izgradnji mira i pomirenja na AIMF Seminaru održanom u Genovi u augustu 2012. godine. Međunarodna asocijacija frankofonskih gradonačelnika (AIMF) organizirala je Seminar, koji je okupio više od 50 visokih zvanica.



Ovaj događaj, organiziran uz podršku Grada Geneva i dva odjela Evropske komisije, obrađivao je tri teme:

- Dijalog sa Evropskom komisijom kako bi se olakšala razmjena i komunikacija između Evropske komisije i izabranih predstavnika sa ciljem definiranja smjernica za saradnju između Evropske komisije i lokalnih vlasti za predstojeći period;
- Seminar na temu „Lokalne vlasti u prevenciji konflikta, izgradnji mira i pomirenja”, organiziran u okviru rada Stalne komisije „Interkulturni dijalog i mir”, pod predsjedavanjem Grada Kinshase.
- Prva Radionica za planiranje programa strategije za AIMF sa ciljem definiranja programa za period 2014 – 2020.

Gradonačelnik Grada Mostara bio je jedan od govornika na seminaru „Lokalne vlasti u prevenciji konflikta, izgradnji mira i pomirenja” te je predstavio iskustvo Grada Mostara u procesu pomirenja i izgradnje mira nakon konflikta, kao i ulogu Agencije lokalne demokratije u Mostaru. Zajedno sa gradonačenikom Grada Mostara, Seminaru je prisustvovala i voditeljica projekta ALDA-e.

Konferencija “Ljudska Prava i interkulturalni dijalog u razvoju”

Gradonačelnik Grada Mostara Ljubo Bešlić prisustvovao je Konferenciji pod nazivom „Ljudska prava i interkulturalni dijalog u razvoju”, koja je povodom Dana ljudskih prava održana u Parizu 10. decembra. Konferenciju je organizirala ALDA u saradnji sa Civisme et Démocratie (CIDEM) u okviru projekta Working Together for Development (WTD), finasiranog od strane Evropske unije.

Gospodin Bešlić Konferenciji je prisustvovao kao prestavnik mreže ALDA ali i mostarske Agencije lokalne demokratije i, naravno, kao gradonačelnik Grada Mostara, te je imao priliku razmjeniti iskustva i mogućnosti koje lokalne vlasti i civilno društvo imaju u zajedničkim aktivnostima promoviranja postignuća održivog globalnog razvoja.



Konsultacije o ulozi lokalnih vlasti u razvoju saradnje

Gradonačenik Grada Mostara Ljubo Bešlić učestvovao je i u regionalnim konsultacijama organiziranim od strane ALDA-e za zemlje Istočnog partnerstva i pred-pristupne zemlje (Zapadni Balkan i Turska).

Konsultacije su održane 11. decembra u Parizu, a poslužile su kao osnov za Komunikaciju o ulozi lokalnih vlasti u razvoju saradnje. Ovu Komunikaciju Evropska komisija priprema za realizaciju početkom 2013. godine.

FINASIJSKI IZVJEŠTAJ ZA 2012. GODINU

PROJEKT	BUDGET €	POTROŠENO €	STANJE 31.12.2012. €	POTROŠENO %	IZVOR FINASIRANJA
Promocija Europske povelje o ravnopravnosti žena i muškaraca u lokalnom životu	11.431,13	11.332,91	98,22	99,14	EU IPA
Civilno društvo u akciji za dijalog i partnerstvo	69.695,00	35.508,62	34.186,38	50,95	EU IPA
Jačanje uloge žena i mladih političkih lidera u BiH – uloga žene u javnom i političkom životu	20.436,41	20.436,41	0,00	100,00	Vijeće Europe i USAID
Članarine partnera za 2011.	10.000,00	6.270,90	3.729,10	62,71	Partneri
Monitoring javnih usluga na lokalnom nivou	30.457,66	26.568,06	3.889,60	87,23	Fond Otvoreno Društvo BiH
POPOWO: People Organize Prevention of Water Overflow–Ljudi organiziraju prevenciju od poplava	14.285,39	14.285,39	0,00	100,00	EU EIDHR
Resursni Cnetra za Demokratizaciju	3.783,12	3.783,12	0,00	100,00	Regija Puglia Italija / partner
Šema mikrokreditiranja	5.200,01	4.295,21	904,80	82,60	MVP Kraljevine Norveške
Putujući seminar za mlađe novinare "Stopama Alberta Londresa"	600,00	0,00	600,00	0,00	EU EACHEA
Edukacija za djecu o pravima manjina	18.165,00	0,00	18.165,00	0,00	EU EACHEA
Članarine partnera za 2012.	8.220,00	0,00	8.220,00	0,00	Partneri
TOTAL	192.273,72	122.480,62	69.793,10		

FINASIJSKI IZVJEŠTAJ ZA 2012. GODINU

PO IZVORIMA FINASIRANJA

1.	EU FONDOVI	114.176,52	61.126,92
2.	Fond Otvoreno Društvo BiH	30.457,66	26.568,06
3.	Partneri	22.003,12	10.054,02
4.	Vijeće Evrope i USAID	20.436,41	20.436,41
5.	Ministarstvo vanjskih poslova Kraljevine Norveške	5.200,01	4.295,21
			904,80

